

## DÉZIÈM SÉKSION

# Déklarasion lafoua krétyin-an

## Sinbòl lafoua-yo

- 185 Moun ki di « Mouin kouè », li di « Mouin rété kolé sou sa *nou* kouè-  
171, 949 a ». Kominion nan lafoua-a bézouin yon langaj komin pou lafoua-a, ki tounin règ pou tout moun épi ki fè tout moun fè youn nan minm déklarasion lafoua-a.
- 186 Dépi nan kòmansman-l, l'Égliz apostolik-la té ékprimé épi té transmèt pròp lafoua li-a nan fòmul kout ki té gin fòs règléman pou tout moun (cf. Rm 10, 9 ; 1 Co 15, 3-5 ; etc.). Min déjà byin bonè l'Égliz-la té vlé rasanblé sa-k ésansiyèl nan lafoua li-a nan kèk rézimé ki byin òganizé pouin-pa-pouin, ki té destiné sitou pou kandida-yo ki t-apral résévoua Batèm-nan :
- « Sé pa pou-l té kapab fè moun plézi, yo té konpozé rézimé lafoua-a ; min apati tout Sint-Ékritu-a yo té chouazi pouin ki té pi inpòtan-yo pou bay yon sèl ansègnman konplè sou lafoua-a. Épi minm jan yon sémans sénévé gin anpil branch nan yon ti grinn, konsa tou, nan kèk paròl, lafoua sa-a kinbé anndan-l tout konésans piété Ansyin ak Nouvo Téstaman-an » (S. Cyrille de Jérusalem, catech. ill. 5, 12 : PG 33, 521-524).
- 187 Yo rélé rézimé lafoua sa-yo « Profésion lafoua » (« Déklarasion lafoua »), paské yo anbrasé yon fason kout lafoua krétyin-yo déklaré-a. Yo rélé yo « Credo » (« Mouin kouè ») paské nan yo an jénéral premié mo-a sé « Credo » an latin. Konsa tou yo rélé yo « Sinbòl lafoua-a ».
- 188 Mo grèk *symbolon*-nan té vlé di mouatié yon bagay yo kasé (parégzanp yon so) yo té konn prezanté kòm yon sign pou rékonèt kichòy. Yo té konn mété moso ki kasé-yo ansanm pou vérifié idantité moun ki té poté yon lòt moso. Sinbòl lafoua-a sé sign rékonésans épi kominion pami krétyin-yo. *Symbolon* vlé di après sa yon rézimé, yon koléksion oubyin yon plan jénéral. « Sinbòl lafoua-a » sé yon rézimé prinsipal vérité lafoua-yo. Sé poua an konsékans yo konsidéré-l kòm premié pouin fondamantal pou katéchèz-la, sé la pou-l fè référans.
- 189 Premié « Déklarasion lafoua-a » yo fè-l lè y-ap résévoua Batèm-nan.  
1237, 232 « Sinbòl lafoua-a » sé toudabò yon Sinbòl *batismal*. Paské yo bay Batèm-nan « o non Papa-a ak Pitit-la ak Éspri-Sin-an » (Mt 28, 19), vérité lafoua-

a yo rékonèt nan Batèm-nan yo òganizé yo dapré rapò ak toua Pèrsòn Trè Sint Trinité-a.

- 190 Sé poutèt sa Sinbòl-la divizé an toua pati « pou nan premié-a yo dékri natu divîn Premié Pèrsòn-nan épi travay mèvèy kréasion-an ; nan dézièm-nan, mistè Dézièm Pèrsòn-nan épi Rédanmsion moun-nan ; nan touazièm-nan, Touazièm Pèrsòn-nan, prinsip épi sous ki fè nou vîn sin-an » (Catech. R. 1, 1, 3). Sa-yo sé « toua chapit mak so [batèm] nou-an » (S. Irénée, dem. 100).
- 191 Sinbòl-la « sé nan toua [...] pati yo ouè li distribué konsa, pou [...] kinbé anndan-l diféran fraz ki byin adapté. Fraz sa-yo minm, nou rélé-yo ‘atik’ (*articulos*) dapré yon konparézon Pèr nou-yo té konn anplouayé anpil foua. Minm jan réyèlman manb kò-a distingé dapré atikilasyon-yo (*articulis*), konsa tou nan déklarasion lafoua sa-a kòrèktéman épi jistéman nou rélé ‘atik’ (*articulum*) chak sa nou doué kouè ki distingé parapò yon lòt » (Catech. R. 1, 1, 4). Dapré yon tradision ansyin, jan sint Anbrouaz déjà témouagné, té gin abitud tou pou yo konté *douz* atik nan Credo-a, pou ak chif Apot-yo, yo indiké yon fason sinbolik sé lafoua apostolik-la toutantié yo anbrasé (cf. symb. 8 : PL 17, 1158D).
- 192 Nan déroulman sièk-yo, pou bay yon répons dapré nésésité diféran épòk-yo, té gin pliziè Profésion oubyin Sinbòl lafoua : Sinbòl diféran ansyin Égliz apostolik-yo (cf. DS 1-64), Sinbòl « Quicumque »-a sa yo di sint Atanaz té fè-a (cf. DS 75-76), Déklarasion lafoua kèk Konsil (Tolèd : DS 525-541 ; Latran : DS 800-802 ; Lion : DS 851-861 ; Trant : DS 1862-1870) oubyin kèk Pap, tankou « Lafoua Damaz-la » (cf. DS 71-72) oubyin « Credo Pèp Bondié-a » [SPF] sa Pòl VI té fè-a (1968).
- 193 Yo pa kapab konsidéré okinn nan Sinbòl diféran etap lavi l’Égliz-la kòm dépasé oubyin initil. Yo édé nou rivé kinbé épi pénétré jodi-a lafoua ki té toujou la-a gras a diféran rézimé yo té fè-yo.
- Pami tout Sinbòl lafoua-yo, gin dé ki gin yon plas vrèman spésial nan lavi l’Égliz-la :
- 194 Sé *Sinbòl Apot-yo*, yo rélé-l konsa paské yo konsidéré-l ak rézon kòm yon rézimé ki fidèl pou lafoua Apot-yo. Sé ansyin Sinbòl batismal l’Égliz Ròm-nan. Li gin gran otorité poutèt : « Sa-a sé Sinbòl l’Égliz Ròm-nan kinbé, koté Piè premié nan Apot-yo té chita épi la li té poté déklarasion ki an komin-an » (S. Ambroise, symb. 7 : PL 17, 1158D).
- 195 *Sinbòl* yo rélé *Nisé-Konstantinòpl*-la gin gran otorité paské li soti nan dé premié Konsil Ékuménik-yo (325 épi 381). Jous jodi-a sé li-minm tout l’Égliz Oriental épi Oksidantal-yo ginyin an komin.
- 196 Nou pral ékspozé lafoua-a antan nou suiv Sinbòl Apot-yo, poutèt nou t-a kapab di sé « pi ansyin katéchism Romin »-an li yé. Min n-ap ékspozé-l antan nou konplété-l ak référans n-ap pran souvan nan Sinbòl Nisé-

Konstantinòpl-la, paské anpil foua li ékprimé-l yon fason ki pi klè épi an dépay.

197 Tankou nan jou Batèm-nou, lè yo té konfié tout lavi-nou « nan modèl  
1064 ansègnman-an yo té transmèt nou-an » (Rm 6, 17), sé pou nou résévoua  
Sinbòl lafoua nou-an k-ap ba nou lavi. Résité « Credo »-a (« Mouin  
kouè ») sé antré nan kominion avèk Bondié Papa-a, Pitit-la ak Éspri-Sin-  
an, sé antré nan kominion tou avèk tout l'Égliz-la ki té transmèt nou  
lafoua-a épi sé anndan-l nou kouè-a :

1274 « Sinbòl sa-a sé so spirituèl, [...] sé méditation kè-nou épi tankou yon  
santinèl ki toujou prézan, sètènman sé trézò kè-nou » (S. Ambroise, symb.  
1 : PL 17, 1155C).

[◀Atik  
anvan-an](#)

[Gid jénéral-la](#)

[Atik▶  
apré-a](#)